

فی ۳۰ رمضان سنه ۳۲۶ و فی ۱۳ تشرین اول سنه ۳۲۴

جمعیت علمیہ اسلامیہ نیک ناشر افکاریدر

صاحب امتیاز

سر محرر

مدیر مسئول

شہری احمد افندی

مصطفی صبری

محمد فطین افندی

مندرجات

عید سعید فطر مصطفی صبری	ترجمہ عربیہ مصطفی صبری
بعث بعد الموت حسین حازم	ترجمہ فارسیہ محمد عارف
مقالہ مخصوصہ قونیہ علماسندن	اجتماعیات
ادبیات	اتحاد ایدہلم حاجہ فاطمہ مرغوبہ
وداع رمضان محمد عارف	فس
صدای ہائقی ولدن فائق	سیاسیات
ظہور اسلام شعر ع . طائف	بوسنہ مسلمانلری
اھنک ملی علی نظمی	ایران مسلمانلری
مناجات خیر الدین	بلغارلر
	زبدہ سیاسیات

نسخہ سی ۵۰ پارہ در

آبونہ اجرتی

ولایات ایچون

۸۵ غروش

» ۴۵

استانبول ایچون

برسنہ لاک ۷۵ غروش

القی آبلنی ۴۰ »

ممالک اجنبیہ ایچون

۱۸ فرانق

» ۹۰۵

درج ایدلیان اوراق اعادہ اولنماز

قارہ ٹلرمز :

اکثر مقالانہ آیات کریمہ واحادیث نبویہ درج ایدلمش بولندیفی نظر اعتبارہ آلہرق رعایتسزلیکده بولنلمامسی

رجا اولنور .

رکعتنه بتیشمه یین آدم، امام سلام ویردکن صوکره قاقار او، قالان رکعتی قیلار. لکن تکبیرات زانده یی قرائتدن اول یایماوب صوکره براقیر. شو صورتله بو آدمک نمازنده تکبیرات زانده هرا یکی رکعتده قرائتدن صوکره یه دو شمش اولور. بونک سببی ایسه هرا یکی رکعتک تکبیرات زانده سی توالی ایتیموب آره لرنده برقرائت فاصله سنک لزومیدر.

صدقه فطر

صدقه فطر، زکوة ویره جک قدر ویاخود زکوة آله میه جق قدر قوه مالیه یی بولنانلره واجبدر. صدقه فطری ویره بیان قربان ده کسر... محارمندن فقیر اولانلرک، انفاقیلده مکلف اولور. قوه مالیه نیک بو درجه متوسطه سی، بر آدمک، دیونی کی [مهر مؤجلده بر دیندر] عائله سنک حوائج اصلیه سی کی شیلری تسویه ایدم جک قدر مالی بولندقدن باشقه ایکوز درهم کوش قیمتندن فضله برمالی دخی بولنق وشوقدر وارکه نصاب نامی و بریان بوفضله مال یا، غیر نامی بر حالده ویاخود اوزرندن برسنه کچمش اولمقدردر. اگر نصابده نمو ایله حولان حول دخی بولنورسه اووقت صدقه فطردن باشقه زکات ده لازم کلیر.

صدقه فطر، دوام وبقا ایله مقید اولان قدرت میسرده دکلده قدرت ممکنه یه تعلق ایتدیکی جهته مبدأ وجوبی اولان بایرام کونک فجر صادقنه، نصابه مالک اوله رق ادراک ایتدکدن صکره فقیر دوشن آدمدن صدقه فطر بورجی ساقط اولماز.

صدقه فطرک بایرام کوننده وجوبی (اغنوهیم فی هذا اليوم عن المسئلة) حدیث شریفندن منفعهم اوله جنی وجهله هرکس رمضان چیقارق بول بول بیوب ایچرکن فقرانک، بیه جک تدارکی مجبوریتله بویه برشرافی کونده ذل سؤالی ارتکاب ایتلرینه محمل برافیه رق برکونلک اکمک یاره لرینی کندیلکمزدن تسویه ایله عزت نفسلرینک محفوظ قالمسی کی حکم فاضله یه مستند اولمیدر.

صدقه فطری، انسان کندنی نامنه، برده آیریجه

قدر دوام ایدر. نماز بیتمه دن زوال شمس وقوع بولورسه نماز فاسد اولور. وقت داخلنده باشلانوب ده کندیلری ختام بولمادن وقتلری منقضی اولان نمازلرک اکثریسی صحیح و قابل اتمام ایسه ده بایرام نمازی قابل اتمام اولمیانلرددر.

بایرام نمازلری، جمعه ایچون اقتضا ایدن شرائطه واجب اولور. انجیق جمعه لرده خطبه فرض، و شرط و بناء علیه مقدم، بایراملرده ایسه سنتدر.

بایرام نمازلرنده خطبه سنت اولدیغندن جنازه نمازی ایله اجتماعی وقوعنده خطبه، جنازه نمازدن صوکره یه براقیلر.

بایرام نمازینک، شرائط جمعه دائره سننده واجب اولمسی مقتضیاتندن اوله رق، مثلاً حال سفردده بولنوب لا اقل اون بش کون اقامت نیتنده بولنمیانلره، خسته لره، پیر فانیلره، اعمالره، بالذات مشیه قدرتی اولمیانلره، شدتلی قار، یغمور، چامور مانعه لرینه معروض اولانلره واجب دکلدر.

بوکا نظرا، بالجمله موانع و مزاحمی اقتضام ایدرک بایرام نمازینی ترک ایتمین بر چوق آدملرک، هیچ بر صورتله ساقط اولمیان صلوات خمسة مفروضه حقنده تکاسل کوسترملری جای تعجب و تأسفدر.

رمضان بایرامی نمازینی، جماعت مسلمین بر معذرت مشروعه یه مبنی ایکنجی کونی، قربان بایرامی نمازینی ایسه اوچنجی کونی دخی قیلا بیلرلر. قربان بایرامنده بلاعذر تأخیر، مکروه و رمضان بایرامنده غیر جائزدر.

بایرام نمازلرینک هر رکعتنده سائر نمازلرده کندن فضله اوله رق اوچ تکبیر وارددر. تکبیرات مذکوره برنجی رکعتده قرائتدن مقدم و ایکنجی ده مؤخردر. جماعتدن بری امامه، برنجی رکعتک قرائتنده ایکن، یعنی تکبیرات زانده دن صوکره بتیشمه کندنی کندینه تکبیر ایدر، وهر برنده بر معناد اللرینی قالدیرر. بو آدم امام رکوع ایدنجیه قدر بووظیفه یی ایتدیه حال رکوعده تکبیر ایدر و فقط بودفعه اللرینی قالدیرماز. نمازک برنجی



قال الله عز وجل: وما علينا الا البلاغ المبين

دینی، ادبی، سیاسی، فنی بازار ایتسی کونلری نشر اولنور هفتکک غزته در

عید سعید فطر

بایرامده، اوروجی بوزان شیلر حقنده کی منوعیتک رفی، نیاب حسنه ایله تجمل، محتاجینه صدقه فطر توزیی، قربان بایراملرده لحوم اضاحینک مبدولیتی کی واجب تعالی حضر تلرینک قوللرینه عائد بونجه عواند لطف واحسانی موجود و مشهود اولمسی یاخود مسلمینک امثال کثیره سنه ادراکی ایله بو کونلرک عودت و تکرری ملاحظه نفالکارانه سی عید لفظیله تسمیه سنه باعث اولمشدردر. عیدک مبدأ مشروعتی هجرت سنیه نیک برنجی سنه سنه مصادفدر.

رمضان بایرامی شرعا رکوندن عبارت اولدینی حالده قربان بایرامی اوچ کون سورر. نته کم بو اوچ کونک هانکیسنده اولسه قربان کسینه بیلر. صوکره قربان

بایرامنک ایکنجی کونی باشلاوب یینه اوچ کون دوام ایدن ایام تشریقده داخل حساب اولق اوزره درت کون قربان بایرامنده و بر کون رمضان بایرامنده، خلاصه سنه ده بش کون اوروج طوتمق کناهدردر.

رمضان بایرامنده نمازدن اول، بر ویا اوچ ویا بش کی تک عددلره طاتلی برشی بیک، و قربان بایرامنده اکلی، نمازدن صوکره ذبح اوانسان قربان اتنه تأخیر ایتک وجامعه ماشیا کیتمک و یولده تکبیر آلتی مندوبدر.

بایرام نمازینک وقتی طلوع شمس ایله کیرن وقت کراحت [۱] چیققدن صوکره باشلار و زوال شمس

[۱] شمسک طلوعندن برمزراق بوی ارتفاع ایدنجیه قدر اولان مدت ایچنده نماز تحریم مکروهدر. بوندن باشقه هر کونده ایکی وقت کراحت ده وازدر.

مالی اولیان اطفالی ایله مملوک لری و مختل الشعور اولان ولد کیری نامه ویرمکه مکلفدر . بیوک چوجق لری ایچون، بیوک کوچوک قارداش لری ایچون، حریمی ایچون، ابونی ایچون - عائله سی داخلنده بولنسلر دخی - صدقه فطر ویرمکه کنیدیسی مکلف دکلددر . چونکه صدقه فطرده قاعده، ولایت و مؤتی کنیدیسنه عا ئدا اولانلر نامه ویرمکه در، حال بوکه ابوینه قارشو حق ولایت مفقود و زوجه یه قارشو ولایت و مؤنت قاصر و بعض خصوصاته منحصردر . شو قدر وارکه بر آدم عائله سی داخلنده بولنسلرک علی الاطلاق صدقه فطر لری، کنیدلرندن استیذان ایتمه دن ویررسه آیریجه اولنلر ویرمسه حاجت قالمز .

صدقه فطر بایرام کونندن سوکره ده ویرله بیلیر ایسه ده ثوابی اکسیلمش اولور . یوم مذکورده ، بایرام نمازندن اول ویریللمسی مرجعدر . رمضان ایچنده اعطاسی ده نمکندر .

صدقه فطر ایله مکلفیتده ، رمضان طوته رق کچیرنلرله معذوراً اکل ایدنلر یا خود خدانکرده بلا عذر اوروج طوتماش اولوب بایرامه یوزی قاره اوله رق چیقانلر مساویدر .

مصطفی صبری

- بحث بعد الموت -

فقط (وجود باری) بی اثباته عا ئد دلائل لازمه بی - عنوان مقاله نك انبا ایتدیکی زمینی تأخیردن احترازاً - بوراده اتیان ایتیه حکم . علی الخصوص علم کلامده بر موقع مهم اشغال ایدن او مبحث عالی ایچون آیروجه مقاله لر تخصیص اولنمیدر .

شمدی صده کلدک . انسان نه در ؟ ماهیت انسان حقنده بین المسلمین اختلاف واقع اولوب اکابر اسلافدن بر قسم محترم ؛

« انسان ؛ کنیدیسنه - ماء وردک کله، نارك فحمه سریانی کی - سریان ایتش اولان اجزاء ساریه ایله هیکل محسوسک مجموعندن عبارتدر . اجزای ساریه دیدیکمز بر جسم لطیف نورانیدر که کنیدیسیله ائتلاف ایتدیکی اجسامه بیلله - هر نه قدر صوره مشابه اولسه ده - حقیقه و ماهیه مخالفدر . حقیقتی درک ایده مدیکمز بوجسم لطیف نورانی (قل الروح من امر ربی) نظم جلیل سبحانیسنده اشارت اولنان روحدر که بدنله آنک بیننده کی علاقه یه روح حیوانی تعبیر اولنور .

ایشته روح حیوانی تعبیر ایتدیکمز بو بخار لطیف ؛ نه وقت فسادده او غراردده علاقه اولمق صلاحیتندن چیقارسه او وقت همان روح بدنندن مضطراً چیقار . حیات زائل اولور . علاقه اولمغه صلاحیتی بولنمیدنی مدتیجه روح و حیات بقا بولور . هر نه قدر روح تعبیر اولنان بوجسم لطیف نورانیک اولی وارسه ده آخری یوقدر . یعنی فناپذیر اولماز . » دیمشدر .

قسم دیگر ایسه « انسان ؛ نفس ناطقه ایلله که جوهر مجرددر - هیکل محسوسک مجموعندن عبارتدر . دیمش و بو جوهر مجردک اثباتنه حلیمی، غزالی، راغب، ابوزید دبو سی، قدماء معزله دن معمر، متأخرین امامیه نك جمهور ی، برچوق صوفیه ده ذاهب اولمشده ابن القیم کتاب الروح خنده بو مذهبی بمالا مزید علیه رد ایتمشدر .

هر بر مکلفک وجودینه اعتقاد ایتسی نصوص شرعیه ایلله ثابت اولان فقط (قل الروح من امر ربی) نظم الهیسیله ده ادراک حقیقتنه حصه علمیه مزك کفایت ایتیه . چکی بیان بیورولان روحک وجودینی تصدیق ایتمکه مخالف عقل برشی یوقدر .

هله بعض جهله نك « انسان اولدیکی وقتده آغزندن برشی چقدیقنی کور میوزر » دیمسندن روحک اولماسی لازم کز . بو عالم شهودده نیجه شیلر واردر که لطافتندن یا خود حقیقه کوچک کندن احساس اولنه میوز .

مثلا هواء و متأخرین طبعیونک قائل اولد لری حتی عالم کونک هر ذره سننده بیلله موجودیتی ادعایه قدر کیتدک لری اثیر ، میاه ایچنده موجود فقط غیر مرئی اک مکمل خرده بین ایلده غیر مشخص حیوانات صغیره ؛ مطلق بال طاقتندن یا خود کوچک کندن ، اینجه لکندن رؤیت اولنه میوز . عدم مرئیت بونلرک وجود لرینی انکاره دلیل اوله بیلیرمی ؟

بوقدر لطافتی، دقتی حائر بولنمسیله برابر روحک سبب حیات اولمسنده ده غرابت یوقدر . عالمده نه قدر کوچک ، لطیف شیلر کورورز که کنیدیسنندن عقلک قولای قولای صورت حصولی احاطه ایده میسه چکی بیوک ، بک بیوک حادثه لر ظهور ایدیوز .

متأخرین طبعیونک حیوانات صغیره نك طرز حیات لری حقنده سویلد ک لری سوزه مطلع اولانلر ، مثلاً خرده بینله بیلله کوزو کیان او کوچک حیوانلرک امر معیشتی خصوصنده کی سعی، محافظه حیاتیه احتراصی و بونک ایچون یکدیگریله مجادله ده بولنلری، تحصیل رزق ایچون درلو، درلو حیله لری، ادراک واحساسه مالک اولملری کی حالاتی آکلایانلر، مسرودات واقعه بی استبعاد دکل تصدیق ایتک اقتضا ایدر .

باخصوص روحک سبب حیات اولسی طبیعتیه دکل الهک خلق و تأثیر یله در . روح ؛ بر سبب عایددر . مؤثر حقیقی الیهدر .

روحک بوقدر لطافت و دقتیه برابر ملک الموتک آنی قبض وجسددن اخراج ایتمکه قادر اوله مامسی کی بر مانعده یوقدر . باقسه ک آ ! مقتاطیس ؛ حائر اولدینی خاصه جاذبیتله اک کوچک ، اک لطیف براده حیددی - ولو که کوزله ، خرده بینله کوزوکیه چک درجه ده اولسون - جذب ایدیوز . یا ملک الموت - عون خدا ایلله - قبض روحه ناصل قادر اوله ماز دینلیر . دمنجک ماهیت انسانی و آکا حیات و موتک فصل کلدیکنی سویلمشدک . اعاده حیات جهته کلنجه :

دینیه بیلیرکه - چونکه بویله جه بیان واعتقاد ایتک ضروری دکلددر - اعاده اولنه حق جسم ؛ اول عمردن آخر عمره قدر باقی اولان اجزاء اصلیه در .

یوقسه جسمده اغذیه دن تیکون ایدوب ده بالاخره تحلیل ایده رک یرینه باشقه سی کلن و بویله جه تسلسل ایدوب کیدن اجزاء فضیله دکلددر .

قادر و قیوم ، دیان علیم حضرتلرینک ایسه انسانک او اجزای اصلیه سی بعدالموت هر درلو تفرقندن ، زوال صورتندن ، باشقه اجزای اصلیه آره سنه کیرسه ده بر ذره - سنه وار نیجه یه قدر ضیاع و تبدلدن وقایه بیورمسنه بر مانع یوقدر .

سوکره قادر حکیم ، خالق علیم حضرتلری دم اعاده ده روحی بواجزای اصلیه یه تعلق ایتدیرزه رک بوکا بر آرده اجزاء فضیله ضم ایلله هیکل انسانی قبل الموت اولدینی کی اعاده واقعه بیورور . تنعم و تعذیب ده بو اجزای اصلیه ایلله روحک مجموعنه حس ایتدیرر . بو بحث بویله جه تقریر و توضیح ایدلیدی آرتق فلاسفه منکرینک ،

« مظهر تعذیب و تنعم اوله حق انسانک دنیاده کی انسانک غیری اولسی ، بر انسانک دیگر انسانی اکل ایده رک شی واحد اولسی جهتیله بوجسد واحده تعلق ایده چک روحک ایکلیشمسی و امشالی » شهبانی کندی کنیدینه سقوط ایدیوزر .

کذلک شهدانک عندالله مرزوق و بر حیات بولنلرینه دائر وارد اوله بیلله چک شهبات ده مندفع اولور .

هنوز سواحل ممتدده سنده جولان ایتدیکم شو بحر عمیق بعثک غورینه دالارق اله ایده بیلله چکم فراند قیمتدار کونا کونی عرض و تشهریدن صرف نظر ایدیوزم . یالکز بعث و جزانک عقلاً لزوم وقوعه دائر علمای اعلام حضرتانک کنجینه مؤلفاتنده تصادف ایلدیکم جواهر زواهری عرض ایلله اکثفا ایده چکم .

ذاتاً احتمال که نابوسم عد اولنان موضوع مقاله دن ده

مقصود: آتیا سرد ایدیه جك دلائل مقننه ایدی که تربیه اجتماعی نقطه نظرندن ده اهمیت عظیمه یی حائزدر. فقط انشای تبعده برخیلی لائی؛ عالیہ؛ مصادف نظر استفاده اوله رق بزی خیلیدن خیلی اویالاند برمش و آنلری ده بالالقاط مشهر استفاده یه وضع ایتمه مکملکه کوکم راضی اولماشدی. مابعدی وار حسین حازم

— مقاله مخصوصه —

دین مبین محمدی مجمع المحاسن در. زیرا اودین مبینه عرض انقیاد ایدن جمله اولاد آدمک منافع و مضارینی بیان ایدره که كافة حقوقک محافظه منی حمایه سی آلتنده بولندیردینی کی مسلم غیر مسلم جمیع مللک حقوقه علی مراتبهم رعایتله برابر ای مؤمنلر عهدیکزی ایفا ایله معاهدلریکزی غدردن وقایه ایدیکز زیرا جمله کز بر آناو بر بادن خلق اولندیکز. و عربک عجم، عجمک عرب، بیاضک سیاه، سیاهک بیاض، اوزرینه بشقه جهتلر بفضل و رجحانی یوقدر. بینلرنده تفاوت فضیلت آنجق انقا و عمل صالح اعتباریلدر. مألنده وارد اولان و صایای الهیه و نصایح نبویه یی حاوی اولدینی جهتلر شریعت اسلامیه دن حصه مند اولدق بر فرد بولنه ماز. نه چاره که بر زماندنیری بعض موانعدن طولای اربابنک سکونه ملازمتلری سببیلر یولیلر تبلیغ احکام ایدیلر مدیکندن و عوام ناسک ایه حقایق دینیه مزه عدم اطلاعلرندن ناشی اوغرامش اولدینی تعرضات واهی سببیلر انقراضه یوز طوته رق مشکاة نبوتدن «هر حالده امر بالمعروف، نهی عن المنکر» یار میسکز یوقسه الله ذوالجلال عقلانی حیرتده براقبرجه سنه لیال مظلمه قطعاتی کی بر طاقم فتنه لری اوزر یکرزه مسلط ایتسونمی؟ مضموننده صادر اولان حدیث شریفه ماصدق دوشولمشدی. چونکه جمله نك معلومی اولدینی اوزره بوامت

مرحومه آز بر زمانده برچوق مصائب کچوردی. بونک سبب مادسی ایه ترقیات دنیویه حقنده وقوعبولان ترغیباندن غفلتله بطالت و تکاسلمزدن بشقه برشی دکلدرد. سبب معنوی اوله رقده سن نبوی و دین محمدی خلافتده اولان خط حرکتزدن بشقه برشی بولنه ماز. بناء علیه عرض اولدینی وجهله یولیلر تبلیغ احکامدن منع ایدن اسباب، منکر دکل ایدیه ده ارباب شریعتک بوموانع سببیلر معذور طوتیلر رق مسئولیت شرعیه دن قورتیلر بیله جککری براز جای تردد در.

بوندن بویه دین مبینک اعلان حقایق خصوصنده ان شاه اخوانمزدن و جمله اهل اسلامدن هر فرد کوجی یتدیکی قدر مالا، بدنا کال جدیتله سعی و غیرت ایدر جکنه من کل الوجوه امید قویمز وارد که بوده ایکی وجیهه یی در پیش نظر ایتمه حصوله کلیر.

برنجیسی: عالم اسلامیتک عوام ناس طرفندن ارتکاب اولسان افعال غیر مشروعده دن تمامیلر نراهتی و ارباب هوی و ضلالت طرفلرندن اسناد اولنان شناسا. عتلردن بالکلیه برائتی کاینبنی قهیم ایلر دین محمدینک، سعادت حقیقیه نك ناموس اعظمی و مدنیت صادقه نك مالک اکبری بولندیردینی ارباب اعتراضه کوزلجه اکلاتمقدر، ایشته شوموال اوزره دیانت اسلامیه نك حقایق جمله اقوام مدنییه قهیم اولدینی صورتده برچوق ارباب فکر و انصافک علویت دین مبینی درک ایدره رک پک بیوک بر تمایل کوستره جککری امید ایدرز.

بناء علیه بعض جهلانک اوروپا ترقیات حاضره سنه قارشوسبب تأخر عد ایتدکری دیانت اسلامیه نك هر کله سی بر حجت سلامت و بیکرجه برات نجباتی جامع بر دستور فلاح و سعادت اولدینی جهتلر چوق زمان کچمکسزین اقطار جهانک هر طرفنده کال شمشه و رونقله اولجه فصلی تجلی و انتشار ایلدی ایه ینه عین صورته انتشاره باشلایه جقدر. چونکه انسانلرک حق اولان برشیته اعتراضلری انجق حقیقی بیلمدکندن ایلری

کلیر. حقیقی بیله ججه اعتراض سابقه ندامت ایتیان انسان ذاتا انسان دکلدرد.

ایکینجی وجیهه ایه عالم اسلامه اساس دیندن کی بر طاقم جهله واعظین طرفندن ادخال اولنان مواد غیر مشروعده نك محو و ازاله سنه سی ایتدکدر زیرا بوحال دین محمدینک جبین اشراقده بر نقطه سوداء شکلی آله رق جزئیجه عقل و اذعان صاحبک بیله باعث استهزای اولیور.

بوایکینجی وجیهه نك لزوم ایفاسی اولکندن اقدامدر. زیرا امت مرحومه اسلامیه نك صلاح و فساد ایلک اعمال و اهالیله متنا سیدر.

قونیہ علماسندن
خادمی محمد وهبی

— ادبیات —

وداع رمضان

[شهر رمضان الذی انزل فیہ القرآن هدی للناس وینات من الهدی والفرقان]
ای شهر کزین مغفرت انجام! قرآن مبین الهی سنک شانکی تجیلر و تقدیس ایدیور.

امتک سعادت دنیویه و اخرویه سنک کفیلر مبیجلی و سفرای الهیه نك اک شانلی، اک شرف آوری بولنان قافله سالار اینیا صلی الله علیه وسلم افندمک یدیبضای معجزه پیمالرنده کی اعتماد نامه نبوت، صحیفه لرنده، سوره لرنده سنک یاد جلالتکی، احکام عالییه کی بیان ایدیور.

هر دقیقه ک، هر ساعتک، هر کونک، امت اسلامیه نك محکمه مجازات الهیه دن، محکومیت اخرویه دن رهایاب اولماسنه بر واسطه، برر شاهددر.

ای سند جلیل مغفرت!
کوندوزلرکده باشقه بر نورانیت، کیجه لرنده ایه

اونورانیته بیک کره نفوق ایدر جك حلاوت و بشاثر سعادت وارددر، هر شب مقدسک ایالی سائریه نسبتله بر شب قدر اولدینی کی سکا مخصوص اولان لیلر قدرده بام باشقه بر زمان خوارق نشاندر.

اوح!... ای رمضان! بوتون شهوره غبطه بخشاسک که: وعظ و نصیحتله، نهید ایلر، ضرب ایلر، حتی آتشله اوصلاعیان نفس اماره مکاره، سنده فرض اولان اوروج ایلر دائره اطاعته کیریور.

یارب! نه مؤثر تربیه!...
اثر ابداعک اولان مخلوقاتک هر دورلو سرائر روحیه و قابلیت فطریه لری، الوهیتک، ربوبیتک لایق بر صورتده بلییورسک، بلییورسکده اوبیلکی ایلر بزه امر ایدیورسک!

الهی! امرلرکده کی بدایع و محاسنی، لفظیلر، معنا. سیله کوره بیله جک بصیرت ویر، فکر ویر! ویرده او بصیرتله کوره لم، او فکر ایلر اکلا یلم و او امر الهیه. کده کی معالی مکنونیه فکر ویرلم، عبرت آلام.

یارب البیت العتیق! بوطلم کون و فسادده بر آمرک امرینه اطاعت ایتمینلر، نه قدر آغر جزالره کرفتار اولمقدلرکن، سلطنت الهیه ازلیه کدن، حکومت ابدیه جلالتناهدکن رحمة للعالمین اولارق عموم خلقه مبعوث اولان سفیر کیرک ید قدسیه سنده کی برات احدیتک اینانیمان واحکام قطعیه سنه رام اولیان قولرک، حضور پاککده کی اجتماع عمومی کوننده عجا نه مؤاخذه لره، نه بلالره دوچار اولاجقلردر.

بیوکلردن، اوده کندی اعتقادلرنجه بیوکلردن اولانلرک خاطری ایچون ترک جانیه آماده بولنان اغراض دنیویه فداییلری، عظمتک صاحب حقیقیسی، کبریا نك مالک ازلی وابدیسی اولان سن ربکم رضاسیچون سکر، اون ساعت آچ طور مق، اوده کندی منفعتلریچون آچ طور مق فدا کارلغنده بولمازلر، حتی اوروج

طونانلری استخفاف ایدر لرسه ناصل [الله یستہزیء
۴۳] ماصدق اولمازلر ؟

بوکون ، ایشته بوشهر مبارک ، کندیسندہ فرض
ومؤ کدآ مسنون اولان اوامره امتثال ایدنلردن ممنون ،
ایتمہنلردن ده حضور رب عزتده مشتکی ودلخون
اولارق کیتدی ، اوروج طونانلرله طوتیمانلر ، صورتده
مساوی حقیقتده ایسه ، صوکره کیلر صاحب مساوی
اولدیلر .

رمضان شریف ، مدت مسافرتی بعدالاکال حضور
الله، عرض احوال ایدرک دیمیه جکمی که :
یا عالم السرو الخفیات :

بن ، امت محمدیه به برمدت قلیله مسافر عاطفت
اولق ایچون رجب ، شعبان کبی ایکی مبشرمک تشریفات
مخصوصه سیله کلدیم ، قولرکدن پک چوغی نبی برحمت
ایله قونوقلادی ، بعضیلری ده نره دن کوندردیکمی
ونه ایچون کلدیکمی بیله صورمادیفی کبی قبول ده ایتمدی
حق قبول ایدنلرله استہزا ایدنلرده اولدی .
یا عفو یا کریم !

بن ، مهماندارلر مه (رجب شهرالله وشعبان شهری
ورمضان شهرامتی) حدیث شریفیله کندی بیان وتعریف
ایتدکن صوکره قولک ابوہریرہ روایتیله امام الانبیا
افندمک حقمده کی : (اذا کان رمضان فتحت ابواب -
الرحمة وغلقت ابواب جہنم وسلسلت الشیاطین) شہادت
محمدیلری موجبہ بندن امین اولالری وبنده ایدیلرک
عبادات وطاعاتک وبالخاصه اوروجک کراماً کاتیبندن بیله
کبزی بیوک برسرمایہ عبودیت اوله رق تسلط شیاطیندن
بالطبع امین ومحفوظ اوله جغنی وچونکہ بالذات دائرہ
صیانت آلہیہ ده بولنه جغنی (کل عمل ابن آدم له الا الصیام
هولی وانا اجزی به) نطق نبی راستکو ایله کوزلجه
آکلا تدم . بن ، شہادت ایدرم کہ بوقوللرک ، مسافر -
لرینک حقونہ تماماً رعایت ایدرک وظیفہ عبودیتلر
نبی علی قدر استطاعتہم ایفایہ چالیشدیلر .



ای واسطه خلاص امت !

حقوقک لایقیلر رعایت ایدم دیکمز حالده ینہ سنکله
استحلال حقوق ایدیورز ، چونکہ سندہ ظهوره کلن
تجلیات وبشائر رحمت ، سکا رعایت ایدنلری دکل ،
مراد الہی اولورسه ایتمہنلری بیله عفوہ کفایت
ایدہ جک درجہ ده واسع وبی حدوددر .
یاغفور یارحیم !

(وما یسطق عن الہوی) مضمون جلیلہ محل تجلی اولان
سندالاصفیا افندمزه انطاق ایتدیکک (من صام رمضان
ایماناً واحتساباً غفرله ما تقدم من ذنبه) مژده سیله اونبی
مکرمک آب روی وبومہمان عزیزیمک قدسیتی ایچون
بتون اخوان دینزلر مظهر عفو وغفران ودارینده
نائل سلامت اولارق شادان وخندان بیورملقلمغزی
در کاهکدن نیاز ایدرز ، قبول ایت یارب !

ایشته رمضان شریفده مندرج اولان مآثر علویہ
امت محمدیہ نک اعماق قلبنہ سریان ایدرک حصوله کتیردیکی
حسن ابتہاج لدنی ، تمثال ایش و نواصی امتده ، اولانجه
مسرتیلہ ، لطافتیلہ ، دیانتیلہ ، قومیتیلہ بالتجلی بایرام اولمش
ککشدیر . الحمد لله علی ما انعم علینا من نعمہ جلیلہ ورقیقہ .

— بایرام —

بر وقت پرمسرتک آن حلوالیدر
مژده صیامک ایشته نشان قبولیدر
مؤمن سرور عید ایله لبریز ابتہاج
لهو ولعلہ کسب نشاطه یوق احتیاج
ای خالق زمین وسما رب ذوالجلال
سن امت محمدہ کوسترمه هیچ ملال
هر دورلو مسعدتله مبشر قیل آنلری
کچسین کمال عز ایله دور وزمانلری

جمعیت علمیہ افراندندن

محمد عارف

برصدای هاتی

استانبولک وبوتون ممالک عثمانیہ نک کونلرجه سواقا -
قلربی طبولدیران وسایہ طوغری یوکسان صدای
حریت عجبانہ ایچون یوکسیلیوردی ؟ منشأ ومركز نبی
تحکیم ایتک ایستہ یوردی . سماوی برظہیردن استظہار ،
معنوی برناصردن استبصار اید یوردی . مظلومک دود آھی
کبی بوکیلہ بوکیلہ صعدودی ، سماویلری لاهوتیلری ،
مدراتی روحپرور نعمات دلنوازیله نقطه اتحادہ دعوت
ایدیور ، ظلام استقبالك انکشافنہ بر شعلہ رهبر هدایت
آرایوردی . بوتحریری ملی به قارشى زاویہ غیبیدن برعارف
حقیقت ، برهاتف حمیت قلوب مجتمعه بشریہ به جبریل
عقل واسطه سیله (والذین جاهدوا فینا انہدینہم سبلنا)
حکم جلیلہ رمز ایدیور وتبشیر ایدیوردی کہ : شو حرکت
متفقہ ملت ؛ اجماع امت مطلقہ در .

رضای حکیم مطلقہ توافقی (لایتمتع امتی علی
الضلالة) اثر نبی محترمه مؤیددر . وینہ خطاب ایدیور -
دی کہ : ایہا الناس ! قانون اساسی برشاهراہ عدالتدر . بوندہ
آیاقلر یکزی رنجیدہ ایدہ جک جسمکزی یورہ جق هیچ
برمودی به هیچ برمانعہ به تصادف ایتمہ جکسکز . جملہ کز
بردن حرکت ایدیکز ، یورییکز . یورییکز کہ بر قاج
خطوہ دنصکرہ رایات سعادت سزی قارشو لایہ جغنی
کورہ جکسکز . وبوطریق واسعک ایکی محیطی جبلہ
ایله محدوددر . همدست وفاق اوله رق جبل اللہ تمسک
ایدیکز ، بربریکزدن آیرلایکز بونعمت عظمای حق
تذکر ایدیکز . اونوتمایکز . حرکتکزدہ نشئہ حقہ
پاکوب عشق وشوق اولیکز . (واعتصموا بحبل اللہ جمیعاً)
بوجبلک مضاف الہی اللہ در . تعمیر اخرلہ کلام اللہ در .
بومسلکده خلاف اعوجاج ملتزمدر ، ماشیلرک مماشیلرک
وظیفہ لری مأموریتلری استقامتدر (فاستقم کما امرت)
قانون الہی جملہ کزہ حرکۃ منتظمہ ، حرکۃ متساویہ ایلہ امر
ویریور ارتق تسابق ، ترافع کبی دعوالردن ممنوعسکز .

اتحاد ماہیت افراد ؛ وحدت وجودکزی اقتضا ایدیور .
شو وحدت نوعیہ کز ؛ بعضکز بعضکزی رب ، ولی نعمت
اتخاذ ایتکدن نبی ایدیور . (ولا یخذ بعضکم بعضاً
ارباباً من دون اللہ) ولدان فائق

جزیرۃ العربیہ ظهور اسلام

قبائل فرقه ، فرقه هر زمان هیجایہ آمادہ
کیدر برقوم اورر بر بطنی بی پروا وآزادہ
چیقار میدانہ بر ظالم دوشونمز حق دنیادہ
یورر بر شخص ایچون بیک خیمہ خلقن محوہ سحرادہ

بولور فرصت ، ایدر برقاج شقی برمنزلہ صولت
طوتار آفاق لیل مظلمی برصیحه ، برخشیت
کلیر غیرتله مزراق مزراغہ پر غیظ برملت
قالیر دیلدرده نام وشہرت خونین قومیت

ظہور ایلر بوکون برداہیہ ، برقاتل خونخوار
اوبر کون محو ایدر بیک خانمانی باشقہ برغدار
بتون بلدان اولور بر ظالمک ظلمیلہ دهشتزار
دوشر بریوم بؤسہ برعشیرت محواولور ناچار

کچر عمر قبائل بویله تمتد بر خصوصتله
یکلمز برتہ مالک ، متصل بر حرب وغارتله
کلیر بر حس وحشت خلقہ ایجاب حیتله
کیرر خاک سیاهہ بیک بنات زندہ غیرتله

عرب تحویل عزم ایتشدی راہ استقامتدن
جیقوب شہراہ فطریدن ، صایوب منہاج حکمتدن
بیلرکن حق غفلت ایلوب اسرار خلقتدن
طوتاردی سمت شرکی ذوق آوب اصنامہ طاعتدن

دوام ایتکه عربان طور میوب راه ضالانده
نمایان فکر حکمت وارسه آنجق قیل و قالنده
تعبد بر مزیت اولدی اصنامک ظلالنده
نهایت قالدی صحن کعبه بر بختانه حالنده

جزیره العربک حالی بویله پر دهشت
ایدر طورر ایکن الظاره عرض سفلیت
افقده باشلادی بر رنک دلنشین سحر
کورندی چهره آفاقه ایتسام قدر
نهدر اونجم منور، او مهر لاهوتی!
که مست شوق ایدیور قارشیسنده ناسوتی
دکل ضیایی ممائل جهانده بر رنکه
ویریر شعاع نباهت سمای پرژنکه
آچاردی حزمه نوری ظلام دیجیوری
نگاهه عرض ایدیور بر جهان مستوری
طلوعه باشلامش انوار شمس وحدندی
ضیا دکل، متمثل نگاه قدرندی
محمد عربی بعث اولندی اکوانه
جهان محل نزول اولدی نور قرآنه
دکیشدی کاملاً احوالی دهر پر شورک
تعین ایلدی رجحانی ظلمته نورک
وفاقه ایتدی تحول مخاصبات عرب
یابیلدی فیض سحر واری شرقه علم وادب
دخالت ایلدی اسلامه حق وعدلی کورن
کسوفه اوغرادلی کویا که اعتقاد کهن
حضور نور نبوتده درک ایدوب ذاتن
بر اقدی بوسبتون اقوام اسکی عاداتن
ظهوره باشلادی فتح مبین سرتاسر
تشکل ایلدی آز بر زمانده بر کشور
او کشور متمدن - که موج اشراقی
شعاع فیضنه رشک آور ایتدی آفاق -

مأل حکمتیدر بینات فرقالک
مثال خصلتیدر بر رسول ذی شانک
فاتح درس ماملرندن قونیلمی
ع . عاطف

— آهنگ ملی —

هر یمده که وار داعیه فکر حقیقت
معبود حقیقی به ایدر حصر عبادت
لطیفله کتیردی بزى صحرای عدمدن
خلق ایلدی، ویردی بزه براحسن صورت
بیلدیرمک ایچون کندنی کوستردی دلائل
فهم ایلنک اوزره بشره ویردی درایت
مرئی بولنان طرز بدیعيله عوالم
عالمده آنک وارلغنه ایلر اشارت
هر ذره برر شاهد عادلدر ایدر هب
خلاق جهان اولدیغنه حسن شهادت
کیم اولمش ایسه مظهر انعام الهی
برصانعک ایجادینه قائل اولور البت
معدوم ایکن احسان ایدرک فیض وجودی
بخش ایلدی نوع بشره عقل و کرامت
بر نوعی ذکر ایلسه کز نعمت حقل
دیگر بریسی ایتده در عرض هویت
قابلمی کشی شکرنی حقل ایده ایفا
کیم بر نفس آلمقده بولنمش ایکی نعمت
ارسال رسل نعمت مخصوصه حقدر
طوغری یوله ایتکلک ایچون خلق هدایت
تبلیغ ایله احکام الهیهی آنلر
بیلدیردی که انسانلره وار دوزخ و جنت
باشدن باشه هب ماحصل حکمت قرآن
انسانلر ایچون باشلیجه اسباب سعادت

امر (واعتدوا) به اطاعت ایدن اقوام
هر معرکه ده مطلق اولور نائل نصرت
دائم سبب نصرت اولور متفق اولق
مصحوب ید اللهدر ایدی جماعت
الله تعالی که بزم ناصریمزدر
هر دم ایدررز نصرتنه عرض دخالت

فاتح درساملرندن داغستانلی
علی نظمی

— مناجات —

انسان که مقری شمدی ناسوت
اول وطنی آنکدی لاهوت
کلدی بوزمینده اله فرمان
ویرمشدی اکا جناب یزدان
فرمان قضا اولنجه صادر
ییلسه که نهلر پیار او قادر
ایسترینه جان صعودی ایستر
اول عالم بی حدودی ایستر
ای روح لطیف قدسیانه
چیق طورمه یوری او آشیانه
یارب سکادر نیازم انجق
الیق بو نیازه ذانک الحق
اولسه بوکوکل قضا که قربان
ایشته اوزمان اولوردی شادان
یارب بوقضا نه دلربادر
بر حکمکه بیك جهان فدادر
یارب بوشون که رونمادر
دیر که غی خلق ایدن خدادر

کوکام بوکا اولمسونمی عاشق
عاشق سکا چونکه هب خلایق
هر ذره که بر وجوده مالک
البت او وجودی سنده هالک
یارب شو سها شو یر شو اکوان
تقدیس ایدرک قیلارده شکران
بیلیم که نیچون بوعاجز انسان
بعضا اولیور خطاده پویان
طلبة علومدن کرون
خیرالدین

مقامات حریریدن منظوم بر پارچه نیک ترجمه سیدر

اسمع اُحی وصیة من ناصح
ماشاب محض النصیح منه بغشه
(اخى) اسم تصغیر صیغه سیله یاء متکلمه مضافدر .
یانک تشدیدى مکبر صیغه سی اوزره اولق اخیالی منع
ایدر . . فافهم . (شاب) قاریشدر مق معناسنه اولان
(شوب) دن ماضیدر . (منه) و (بغشه) ده کی ضمیرلر
ناصحه راجعدر . ضمیر ثانینک نصحه رجوعی ده ممکندر .
حاصل معنی :
قارداشجغزم ! نصایح خالصانه سنی قطعاً دروغ
اغفال ایله تعشیش ایتمین بر ناصحک وصایایى اولق اوزره
آئیده کی سوزلره قولاق ویر :
لا نقطعن بقضية مبتوتة
فی مدح من لم تبأه او خدشه
(مبتوتة) قطع معناسنه اولان (بت) دن اسم
مفعولدر . دائماً قوللانیدیغمز (البته) کله سی بو
مصدرک آخرینه برناه واولنه حرف تعریف کتیرمکه

بیان الحق

وبالعکس مدار شرف وزینت اوله حق برخصلتی مشاهده
ایدرسه ک نشر واعلانن گیری طورمه .

ومن الغباوة ان تعظم جاهلا
لصقال ملبسه ورونی رقیه

(صقال) مصیقل اولق دیمکدر . (ملبسه) ضمیری
جاهله ، و (رقیه) ضمیری ملبسه ، یاخودیته جاهله
راجمدر .

نصیحتلرمدن بریسیده بودر که : برجاهلی ، محضا
لباسک پارلاق ومزین اولسندن طولانی صاقین نظرکده
بوبولته . صوکره حماقتکه وبریلیر .

اوان ثمین مهذبانی نفسه
لمول حالته ورثة فرشه

(نمول) شهرتسزاکدر . (رثة) اسکیلک وچو -
روکلکدر .

حاصل معنی :

یاخود حد ذاتنده مهذب ومکمل اولان بر آدمی ،
محضا شخصک کوسترشسز لکنندن ، نامک شهرتسز -
لکنندن ، موقعک دکرسز لکنندن طولانی تحقیر ایدرسه ک
ینه حماقتکه حمل اولنور .

فلکم انی طمرین هیب لفضله
ومفوف البردین عیب لفحشه

(انی طمرین) ده کی اضافتدن معنای نسبت
مقصوددر : صاحب طمرین دیمکدر : عالمه : اخوالعلم
واولادعربدن برینه خطابا (یاخالعرب) دیندیک کی :
اخوالعلم حی خالدبعد موته (الیت)

(طمر) اسکیمش ثوب معناسنده . کرک بونک
وکرک مصراع ثانیسه کی (بردین) ک تنیه صیفه سی
اوزره بولنسی عریده علی الاکثر ایکی ثوبدن فضله
کینلمه مک عاده میندر . (هیب) تعیب وتعیر معناسنه

بیان الحق

اولان عیبندن ماضی مجهولدر . (مفوف البردین) مزین
اللباس معناسنده .

حاصل معنی :

اسکی بوسکی البسه ایچنده نیجه انسانلر واردرکه
فضل وکالنه مبنی مهیب وموقر ولباس احتشام ایله بزه نمش
نیجه لریده واردرکه اغرنندن چیقان سوزی قولانغی
ایشتمز برحالد بولندیفی جهتله معیوب ومحقردرلر .
وفی الحدیث : (رب اشعث اغبر تبو عنه اعین الناس ذی
طمرین لواقسم علی الله لایره) یعنی : صاحبی صقالی
قاریشبق ، اوستی باشی توزلی ، بیرتیق یاما ایچنده ،
خلقک نظر اهمیتدن ساقط نیجه انسانلر واردرکه - ولو
معظمت اموردن اولق اوزره - هرهانکی برایشک
اجراسنی ، واجب تعالی حضر تلینه قسم ایله تأمین
وتعهد ایتسه الله تعالی انی یمینده کاذب چیقارماز .
یاخود کلام عربده (علی) حرفیله صله لانان قسم بزم
لسانمزدکی آند ویرمک موقعنده ده قوللانیلیدیغه نظر
حدیث شریفده کی استعمالی اوپولده تلقی ایتکده
ممکندر . واجب تعالی به آند ویرمک ایسه برسوالک
اسعافی ملحانه استرحام ایلیمکدن کتابه در . علی التقد -
یرین حدیثده واقع اولان جمله شرطیه ک خلاصه سی
نزد الهده سوزی کچر دیمکه واریر .

ما ان یضر العصب کون قرايه
خلقاً ولاالبازی حقارة عشه

ماء نافیه دن صوکره ان ، زائد اوله رق مستعملدر .
(عصب) قلیچ و (قراب) قیندر . (خلق) اسکی
معناسنده در بازی طوغان تعیر اوانسان قوش و (عش)
یووا دیمکدر .

حاصل معنی :

تیغ بران ایچون اسکی قین ایچنده بولنسی وشاهینه ،
یوواسنک چورندن چوپدن اولسی موجب نقص وشین
اوله ماز ، باشقه برشاعرک : اگر انسانک شرفی البسه

سیله قائم ایسه قلیچ دیدیکمز آت مهمه حربیه نک ،
قینی ایله باغندن عبارت اولسی لازم کلیر . مألنده بولنان
شو :

اذا کان فی ثوب الفی شرف له
فالسیف الاغمدہ والجمائل

قولی ده بووادیده سوبله نمشدر .
وکذاک الدینار یظهر فضله
من حکه لامن ملاحه نقشه
(حک) آلتون ویا کموشی محکمه تطبیق ایتکدر .

حاصل معنی :

کذاک آلتونک - آلتون اولق حیثیتیه - قیمت
نسبیه سی محک انتقاده وضعی ایله آکلاشیلیر ، نقشنک
لطافتیه دکل . مصطفی صبری



فیضی هندینک سرنامه دیوانی اولان

توحید باری منظومه غراسندن

بعض کوه رلر

بر دوت اندیشه راشحنه غیرت زند
لطمة حیرت بهرو سیلی جهل ازقفا
غیر خیال محال نیست که برام حمد
سلم کلکم دهد ناطقه را ارتقا

هست تراوش کنان خون دل از دیده ام
بسکه دلم ریش کرد کاش چون وچرا
لوحه تقدیس تست پاک زرشح قلم
درخرد اکسیر نیست جوهر اقلیمیا
عقل کل ازدرک کر لاف زندگی شود
سلسله بند جنون ساکن دارالشفا
عجز بدرگاه تو ناصیه سای غرور
فقر باقبال تو حوصله سوز غنا

در ره ادراك تو مانده معطل زكار
جمله نفوس وعقول جمله حواس وقوا

ترجمہ سی

یارب! باب ربوبیتکده نوبتیکر ابدیت اولان حاکم
غیرت وجلالک، قوه مفکره نک وجهه تدقیقه بر مش
تخیر، سر جراً تنهده بر ضربہ جہلہ ایندیرر.
حمد وثناک مقام علوتنده معراج خامه مک ناطقه یه
ارتقا ویرمسی، محالی تخیلدن باشقه برشی دکدر.
قلبمده طویلانان خون اندیشه. اشک چشم
صورتنده کوزمندن صبرمقدمه اولدیفندن بوچون وچرا
تصوراتی، قلبی چوقدن جریحہ دار ایشدر.
یارب! سنی تقدیس وتزیه ایدن لوحه ایمان وایقان
رشحات قلمک آثار سوادندن پاک ومطهردر چوونکه
اکسیر دنیلان ماده لطیفه مؤثره، بعض معادنک
اوستنده بر ستره کبی طبقه تشکیل ایدوب اجزای
فردیه سی یکدیگرندن انفکاک ایدرک «اقلیمیا» نامی
آلان ماده دن اولاماز، بو، اکسیر یته لایق دکدر.
عقل کل، اگر ذات پاک ربو بیتنہاکی ادرا که
دائر سوز سوبیلہ جک اولورسه، زنجیر جنونه مربوط
اولش ودارالشفا ابدیاً قلش اولور،
عجز؛ درکاه ذی اجلالکده مقام عبودیتہ ناصیه
غرور ومفخرت وضع ایدر، فقرده سنک اقبال
والفتاکله غنائک جگرکاهی یاقار،
یارب! سنی حقیله اکلایق اوغرندہ، ادراک ایتک
یولنده بتون نفوس وعقول، بالجله حواس وقوی معطل
وبی حرکت قالمشدر.

جمیت علیہ افرادندن
محمدعارف

اجتماعیات

«اتحاد ایده لم»

نسوان اسلامه :

برقاج کون اولکی شورای امت غزیه سنده برسنه
ظرفنده اوستریادن یالکز در سعادت کمرکرینه ادخال
اولنان اشیای تجاریه نک بعض قسمنه عائد بر ایستاتستیک
مندرج ایدی.

ایکسندن دوکویه قدر حواجمزی ایضا ایدن بو
اوستریا ماللرینی صانون آلمق یوزندن، الیوم بزه دشمنلق
کوسترن اوستریا ملتته طوربه لرله دکل، جواللرله ویر-
مکده اولدیفمز یاره لرک یگونه عطف نظر امعان ایدن
عثمانلیر اینجده یورکی صیزله مایه جق حیتلی تصور
اولنه ماز.

بونى بز اولجده بیلمز دکل ایدک. فقط مع التأسف
بو حالک نتایج وخیمه سنی بر درلو ادراک ایده من ایدک.
حمد اولسونکه حیت ملیه من بوکره تمامیلہ غلبانه کلدی ده
براز عقلمزی باشمزه طویلامغه، دوشونمکه باشلادق.
انجق اول باول دین، ناموس اوزرینه دشمن
حیات ووطنی اولان اوستریا لیرک امتعه سنی آلامغه
بودغه ایتدی کمز یعنی محافظه ایچون بومالیری آلامه نک
کافی اولمادیقی، جدی تشبیر، فدا کارلقلر لازم کلدیک
دوشونمیلدر.

جهالت و بونک ایجاباتندن اولان سفاقت یوزندن
هر کون بیوک مقیاسده زهیرله مکده اولدیفمز بی چاره
وطنمزده هر برینه آز چوق محتاج بولندیفمز، کونده
یوز بیکلرجه صرف ایتدی کمز ایکنه ایلک، قلم کبی اک
اهمیتسز ظن اولنان اشیایه مقابل بوسکون یرلی مالی
اوله رق نه من وار؟ هیچی هیچ!

عقلمزی باشمز اولوبده اک زیاده محتاج اولدیفمز
اشیای کنیمز یاغمه باشلانجه یه قدر فرانسز، انگلیز

دوستلرمزک ماللرینی اوستریا مالی برینه قویق ممکن
ایسه ده آله جقمز آستار، مندیله کبی اوفق تفک اشیا
ایچون هیچ بر اصنافی اوستریا مالی اولمادیقی تأمیناً
یمین ایتکه مجبور ایدمه جکمز دن صرف نظر امین
اولسه ق بیلہ شو مراجعتمز بزی برندن قورناروب
دیگرینه محتاج ایدمه جک دکل؟

ایمدی اشبو احتیاجاتمکز صورت استیفا سنده کی
همت وغیرتی شمدی یه قدر الی بوکرندہ طوران ارککلر-
مزه براقلمده ای نسوان مسلمین! بزه بزه دوشن
حصه حیت اشتراک ایدمه!

هم یمینمزده حانت اولماق وهمده محبورت یوزندن
تصوری بیلہ تو یلرمزی اورپردن اک قیمتسز لرندن
باشلانیه رق معاذالله دها یلرویه وارمسی محتمل اولان وعالم
نظرندہ متانتسز لیکمز، حیتسز لیکمز حکمی ایجاب
ایتدیرن بو حاله شمدی لک بر نتیجه ویرمک اوزره باشلیجه
چاره؛ حاشام قاشی کبی یرلی مالندن غریسنه رغبت
ایتمکدر.

واقعا موجود یرلی ماللرمز حواجم ضروریه مزک
الزملرینی، بالفرض آستار وسائرہ کی نقصانلرمزی بیلہ
تلافی یه کافی دکل ایسه ده ارککلر مزه دوشن همت ده بولری
بر آفاق اول مملکت مزده استحصاله چالیشمقدر.

بوده اک زیاده بزم غیرت وتشویقمزله حصوله کلیر.
عدم رغبت یوزندن الیوم حلب وشام و بغداد چارشب
وقاشلرینک دستکاهلری اونده بر قالمدی. شمدی
اولکی رغبتسز لیکمز درجه سنده بر رغبتله بو قاشلری
استعمال ایدر ایسه اک مثلاً قریباً بر آستار فابریقه سی
کشاد ایدیلرک آز زمانده صنایع داخایه من ایلرولمکه
باشلار.

بزمده بوصورتله مقدس وطنک یاره لرندن برینه
قادینلق حس شفقتیه دواساز اولوق امرندہ کی غیرت
وحیتمز کچن کناهلرمکز کفارتی برینه کچر.

دور سابقک نامعدود سیئاتیله دوچار اولدیفمز
احوالک اک یمانلرندن اولان اسراف و سفاقتدن وار
کچر ایسه اک اسکی عثمانلی قادینلرینک اولادلری اولدیفمز
اکلا شیلور.

مع التأسف آره مزده بولسان بعض عقلسز لک
تشویقکارانه سوزلرینه اعتبار ایتمه لرک ممکن اولدیفی قدر
شواللردن چابوق قورتولوق ایچون همشیره لرم! اتحاد
ایده لم!

بو اتحادک خارجنده قالمق آرزو ایدن برقاج حیتسزک
ملت عثمانیه وحقی درجه فقرمزی بزدن دها ابی بیلن
عموم اجانب طرفندن شایان تعیب ونفرین کوریلہ جکنه
امین اولمیلدر.

بو بحثده سرد اولنه جق مقال یک چوق ایسه ده
بیان الحق قیمتسدار ستونلرینی بوندن زیاده اشغال
ایتمک فکرله اختصاری اختیار ایلدم حاجه
فاطمه مرغوبه

فس

اوستریامک، ضعف حالیزدن استفاده ایتک امایله
علممزده حقوق شکنانه تشبثات معلومه سی عثمانلی افکار
هموفیه سنده کی حسیات دوستانه یی زیر وزبر ایش
ویرینه مدافعه حقوق، مقابله، شروع حسلرینی اقامه
ایلمشدر. شوخس مولدک نتایج طبیعیه سی اوله رق افکار
امنده اوستریا امتعه سنه قارشى دهشتلی بر نفرت حاصله اولمش
وبوجریان افکارک بر معکس ظاهریسی اولوق اوزره بعض
ارباب حیت سربوش ملیمز اولدیفی حاله همان جمله سی
اوستریا معمولاتی اولان فسلى کچه کلاه ایتکه باشلا-
مشلردر. کرچه افکار ملت عزم وشدتى بوجهلہ ارانه
ایتمی و اوستریا به شدتلى بر ضربہ اقتصادی اورمسی شایان
تشکر و صرانه عزم وثباتمزده بر فریضه حیتدر؛ فقط
ملیتمز مخصوص بر کسوه نک تدبیراً تبدیلنه یول آچق ده

براز شایان ملاحظه در . بوباید برایکی سوز سويلمکی وظیفه دن عد ایدیورز :

فس بزه نره دن کلورسه کلسون ونه زمانک یاد کاری اولورسه اولسون بوکون عثمانلیک برکسوه ملیسی اولدیغنده هیچ تردد ایدلز ، فس ملتزمک تمغای مجسمی حکمنده در ، باشنه فس کین بر آدم دنیانک نره سینه کیدرسه کیتسون ترك اولدیغی ، عثمانلی اولدیغی اکلایمده کیمسه کوجانک چکمز .

فقط ایجابات دینه من و شعائر ملیه من در که : مضرت معنویه و مادیه منی استلزام ایدن عادتمزده اصرار ایتیز وسعدتمزی تأمین ایده جک هر نوع وسائله تشبثندن ده کبرو طورماز . بناءً علیه فسک ملتزمه اولان مربوطیتی نه اولورسه اولسون اگر فس اعمالی منحصرأ اوستیالوره مخصوص برشی ایسه و یا خود حفظ صحت و قوللانیس نقطه نظرندن مضر وشایان رد اولدیغی آکلا شیلورسه ملتزم داخلنده بشقه برسرپوش آرامغه او وقت لزوم حس ایدرز .

حالبوکه فسخانه و هرکه فابریقه لری یک کوزل فس اعمال ایدیور . احتیاج عمومی نسبتنده فس تدارکی ایچون بر طرفدن بوفابریقه لری توسیع دیگر طرفدن یکیدن فابریقه لری تأسیسه تشبث ایدلمی در . بوتشباتده ایلک آدیم آتیه جق بالطبع فس تاجرلیدر . بر شرکت تشکیلی ایل بوکون ایشه باشلانیه یک آز زمانده کندی مالز اولان فسی کندیمر اعماله باشلارز . و اوستریایه کیدن بر میلیون لیرا مملکت مزده قالمش اولور ، احتیاجک لزوم کوستردیکی شو مساعد زمانده بر فس فابریقه سنک تأسیسنده بر عدم امکان تصور ایدیلورسه مملکت مزک ، اون دکر مانلرندن بشقه فابریقه یوزی کورما مکه محکوم اولدیغی قبول ایدرک آتی املار بی شمیدین بر طرف ایتامز ایجاب ایدر .

حفظ الصحه و قوللانیس نقطه نظریندن فسک شایان

اعتراض اولوب اولدینی جهتیه کلنجه بوباید سوز سويله مکه بيله لزوم کورمیورز .

کجه کلاهلر ایسه : یک ابتدائی بر سرپوش اولوب رنکنک اکثریت اوزره بیاضلغندن و یغموره عدم تحملندن قوللانیسلی دکدر . بناءً علیه بونلری سرپوش اتخاذ ایدیه جکمز طبیعیدر .

کجه کلاهلر انتقال ایدیلان مختلف الاشکال قالاقلره کلنجه هیچ بر وجهله تعمیمنه طرفدار اولاماز .

اک غیری استعمال ایدیلان قالاقلر — بعض باشلرده کوریلان سواری چرکس تاتار قالاقلری مستتا اولقی شرطیله — بلغار قالاغیدر .

اوستریایه خصوصتمزدن فسمزی آتیورز ، غرابته باقیکنز که بيلمیه رک بلغار قالاغی کیورز .

خصوصیله قالاقلرک اک اوجوزی فسک اک بهالیسنه معادل اولدینی کبی ینه احتیاج نسبتنده مملکت مزده تدارکی دخی ممکن دکدر . یعنی بر منفعت اقتصادیه تأمین ایتیش اولیورز .

شونیده اونومیلم که : مملکت مز کی معتدل مالکده قالاقلر سرپوش اتخاذینه صحت نقطه نظرندن ده الویریشلی دکدر . الحاصل فسمزی آتیه لم . مملکت مزده تدارکنه اوغراشلم .

سیاسیات

— بوسنه مسلمانلری —

بوسنه — هر سک مسلمان قرداشلر مزک شو اوتوز سنه ظرفنده اوستریا حکومتدن کورمش اولدقلری منافی انسانیت ، مغایر مدنیت مظالم و اعتسافات و بوکا مقابل بوشناقلرک کوستردکلری منات دینه ، علویت ملیه معلومدر .

اوستریا حکومتک بوشناقلری کندینه متقابل قیلمق ایچون اجراسنه تشبث ایتدیک دور اندیشانه ، ده طوغریسی ملعونانه آنقریقلر و تعقیب ایلدیک مسالک سیاسی ظالمانه ، افکار عمومیه سی متین بر اساس دینی و سیاسی اوزرینه استناد ایدن بوشناقلره تأثیر ایتدی . بو حکومت ظالمه بر طرفدن بوشناقلری سونکی تهدیدی آلتنده مطالبه حقوقدن فراغت مجبور ایلدی . دیگر طرفدن مقصدینک ترویجیه بر قوه الظهر اولقی اوزره اصلی یوقدن بوسنده بولان قتلککلر خروات اولد — قلینی اورتیه سوردی . تشویق و ترغیب ایتدی . خرواتساندن ایشسر کوجسزلری بوسنه یه جلب ایتدی . بوسنورته عددی یوز یکرمی بیکدن عبارت اولان قتلکلری اوتوز سنه ظرفنده ایکی یوز سکسان بیکه ابلاغ ایلدی . ده طوغریسی هم بوسنه یی معدده سنه الویریشلی بر حاله قویق و هم ده مجارلرک وقوی ملحوظ اولان داعیه استقلالنه بر مانعه تشکیل ایتک اوزره بوسنه و هر سکی بر خرواتستان حالته قویق ایتدی .

خصوصی و ملی مکتبلری لغو ایتدی . قرای اسلا — میه نک مکاتب ابتدائیه دن محروم اوللرینی التزام ایلدی . اوقاف مسلمینی ایتدیک کی تصرف ایتدی . اوقاف مندرسه و مقابر اسلامیه جزویتلره و اوستریالی مأمورلره بخش ایلدی . الحاصل مسلمانلر ، هر نوع حقوق صریحه و طبیعییه دن محروم براقلدی . بو مظالم قسماً بوسنده بولان صرب اورتودوقسلره دخی تشمیل اولتیوردی . کرک مسلمانلرک و کرک صربلرک حقوقی مدافعه یه چالیشان مساوات و صربسقاری غرتلری صاحب لری ، محرر لری آیلرجه و حتی سنه لرحه حبس ایلدی . بوشناقلر بومظالمه بوبون بوکمدیلر . چارپندیلر ، چرپندیلر . عالم انسانیتدن استمداد ایتدیلر . ویانه ، بوداپشته ، استانبول محافلنه دفعاتله مراجعت ایلدیلر . هیچ بر نمره اقتطاف ایده مدیلر .

بزلر ، زوالی بزلر ایسه بوفاجعه لری کوروردک

دموع تأزمزی آقیدردق . فقط آچیقدن آچیه فریاد ایده مزدک .

وقتا که انقلاب اخیریمز میدان کلدی . بوشناقلره بزم کی دوچار اولدقلری مظالمک نهایت بوله جغه امین اولدق هم بزم ایچون هم کندیلر ایچون مسرتلر اظهار ایلدیلر . فقط در عقب بومسرتی بر فلاکت تعقیب ایتدی : اوستریا ، بوسنه و هر سکی الحاق ایلدی . بردن بره آچی برضربه تأثرله متحسس اولان بوشناقلر ، شدید بر عصیت ایچنده قالدی .

اودرجه ده که افکار عمومیه یه سکونت بخش اولقی ایچون الحاق مسئله سنک حکومت عثمانیه ایل ایدیلان ائتلاف نتیجه سی اولدیغی اعلان ایتدیردی . عجیباً موفق اوله بيله جکی ؟ هیات !

براز ثبات ایتلی بزم . اجداد مزک عزمنندن حصه مند ارملی بزم . اوله هجرت کبی وطنمزک بر جزئی اولان بوسنه — هر سکدن ابدی الچکمه منی ایجاب و امیدمنی محو ایده جک شیلری خاطر دن چقارملی بزم .

امین اوله لمکه : وطنمزله بر جزء مقدسی آره سنه حیولت ایدن و منبعی اوستریا تاجی اولان قوه دافعه محو اولمغه آماده در .

ایران مسلمانلری

اوزرلرینه مستولی اولان خیام ظلم و استبدادی یاق ، رق بیهق براداره مشروطه و عادلانه تأسیس ایله تأمین موجودیت و ترقی ایده جکنی یک بیوک آرزولرله همه بر بزه کی احرارانک بیوک بیوک موفقیتلرینک نتایجی اولان قوی قوی امیدلرله تنی ایلدیکمز ایران احرارانک باشلرینه یکی مصیبت گلش اولدینی ازانس دوقسططنیوبلنک بوکونکی بر تلغرافدن مستبان اولیور ، تلغراف :

بیان الحق

فرانقفورت ، ۲۶ تشرین اول — فرانقفورت غزیه سنک تبریزدن استخبار ایلدیکنه کوره « تبریزی تحت اشغالہ آلق اوزره طوبی و سوارسیله برابر آتی طاہور روس پیاده سی اولکی کون — پنجشنبه کونی — حدودی کچمشدر . تبریزده بیوک : هیجان حکمفرمادر شاه حربته قارشو آچدیخی محاربهده شو صورنله اظهار غلبه ایلدیکی ایچون بالطبع نموندر . مع مافیه شو حوادث انشاء الله موثوق دکلدر .

بلغارلر

بلغارلر اقوام تورانیهدندر . ایران و خراسانک حدود شرقیه و شمالیه سندن اوتیه طرفده بولنان ممالک فرس قدیم « توران » تسمیه ایدرلر ایدی .

بوکشور جسیمنده ساکن اولان اقوام علم اتنو - غرافیاچه « تورک » نام عمومیهسی آلتنده طائمشدر . بناء علیه بلغارلر تورک عرقه منسوبدر .

اهل تاریخه معلوم اولدیخی اوزره تورک طوائفی وطن طوپراغنه باغلی اولیوب هجرتی سورلر ویرلرنده صیقلدقجه و دوچار احتیاج اولدقجه عن جماعة قلقوب اولاد و عیال و دوواب و مواشیلرینی برابر آلوب هواسی و طوپراغی دهاکوزل بلدهلر ارامغه کیدر ، کذرکاهلرنده ایشلرینه الویره جک مواقع بولنجه یرلشوب قالیرلر . فقط بوتوقفده موقت اوله بیلیر . چونکه بر مدت صکره ینه رفع خیام ایله ایلرولره طوغری کیدنلری چوقدر . بویه لکله نهایت یابریده قطعاً قرار قیلارلر مجارلر کی ویاخود مقدارلری آز ایسه غوغالرده قیریه قیریه محو و منقرض اولورلر آبارلر کی .

تورکر ایچون جهت هجرت ایکدر : شرق و غرب . شرقه طوغری هجرت ایدنلرک اقصای منزلهلری چیندر .

غربه طوغری هجرت ایدنلر علی الا کثر بحر حرک شمالندن مرور ایله اورال یعنی « یاییق صو » و وولغا یعنی « اتک صونی » و « نن صونی » مانله لرنده بر مدت اختیار اقامت ایتمشلردر . قرون وسطی تورکلرندن « قیچاق » تسمیه ایتدکلری بوقطعه در . دشت قیچاقده بستون یرلشهرک قوتلی بر حکومت تشکیل ایدنلر جنکین یلدر که اوروپا مورخلری بونلری « آلتون اردو » تاناری دیو یاد ایتمشلردر .

قزان و قریم خانقلری التون اردو تانارلرینک بر شعبه سی ایدی .

تورکلرک شایان دقت بر ایکی صفی واردر . حربده بهادر و بی رحم و چاپوله پک هوسکار درلر . لسانلرینی و ملتیلرینی هریرده محافظه ایتشلر لکن مذهب و مدنیتلرینی کندولرندن دهامترقی بر قومه ملاقی اولنجه ترک ایدیوروب یکی قومشولرینک مذهب و مدنیتلرینه اویمشلردر . ایشته بوسیدندر که جانب شرقه هجرت ایدن قره ختایلر ، مغولر ، مانچورلر چینه اویمشلر و جانب غربه هجرت ایدن طوائف تورک دخی مدنیت و دیانت اسلامیه یی قبول ایتمشلردر .

بو صورته ترک دیار ایله دشت قیچاقه متوجهاً هجرت و عزیمت ایدن طوائف تورانیهدن بریده بلغارلردر .

بلغارلر برزمان قیچاقده اوطوردقندن صکره آیریلهرق بر قسم قلیلی وولغا مانله سنده قالمش ، دیگر قسمی ایلرولیه ایلرولیه طونه آغزلینه قدر کلش طونه نک جنوبنده واقع اولوب اولوقت رومسلرک النده بولنان بلاد معموره و محارری منبته نظر طمعلرینی جلب ایتدیکندن نهری آشهرق بالقانله قدر آقین ایتمشلر . واورالری معیشلرینه الویریشلی کوره رک توطن ایتمشلر . وکیروده قالانلریده پیدری یانلرینه چاغر مشلردر .

وولغا مانله سنده توقف ایدنلر بالاخره قزاق خانلرینک زیر حمایتنه داخل اولوب انلرک تأثیریه اسلامی

بیان الحق

قبول ایتمشلردر . اسکی تورک تاریخلرنده « بلغار » ملوک اسلامیه سنک منافی یارلمشدر . دارالملککری « بلغاری » اسمنده بربلده ایش . عصر اخیرده بلغاری بلده سنک خرابه لری بولمش و مزار طاشلرنده خط کوفی ایله عربی العبارة کتابه لر کورلمش کرک بونلرک و کرک مسکو کات مکشوفه نک برچوغی پترسبورغ موزه سنه کوتورلمشدر [۱] بو بلغارلر یا آلتون اردو تانارلرله مزاج ایلهرک اوخلیطیه داخل اولشلر . ویاخود خطه رومه کلن ارقداشلرینه کلوب قاوشمشلردر .

بلغارلرک باقمان یارم اطه سنه و رودلری هجرت نبویه نک عصر ثانیسنه مصادفدر . در حال روملرله اختلاط ایتمشلر قیز آلوب ویرمشلر ، اصول و عادات و مذهب رومه اتباع ایلهمشلردر .

آندن صکره حیات سیاسیه لرینه کلنجه کاه ذیقدرت رولسانک دست سطوتنده حکومت مستقله تشکیل ایلهرک روملرله شدید و مدید محاربه لر ایتمشلر حتی بر ایکی کره پای غارتلرینی قسطنطنیه جوارلرینه قدر کتیره شلردر . وبعضاده آره لرینه نفرقه دوشهرک روم قیصرلرینک ربه اطاعتنه منقاد اولمشلردر . قیاصره طرفندن بو غوغاجی تورهدیلرک بالقان حدودیه تحدیدینه چالیشیلمش ایسه ده بالقانلرک جنوب و غرب صیرتلیرینه یاییله رق قری و قصبات تشکیل ایتلرینه ممانعت اولنه مامشدر .

اشته بلغارلر بالقان یاریم اطه سنده درت بشیوز سنه بو حالده امرار ایام ایتمشلردر .

۸۶۳ سنه سی مرمره دکنزدن روم ایلنه پای انداز اولان فاتحان عثمانیه مدت قلیله ظرفنده ادرنه وقله شهرلرینی تسخیر ایله مریم اووه سنی کاملاً قبضه تصرفه ادخال ایلدکلرندن وروم (بیزانس) دولتک بوسیل خروشاه مقاومت عجزی میدان چیدیفندن بالقانلرک

[۱] کتب قهقهه مزده وقتی بولغیان نمازلرک اداسی لازم کلوب کلمه جکنه دشر موجود اولان مباحثه ذکر اولنان ارض بلغار ایشته بوراسیدر .

اوبر جهتده ساکن اولان طوائف یعنی صربلر بلغارلر تلاشه دوشمشلردر . لکن او تاریخده صربلر شمالی و جنوبی نامیه ایکی ادارهیه منقسم و بناء علیه ضعف انقسامه مبتلی ایسه لرنده ینه بلغارلردن دهاقوتلی ایدیلر . چونکه بلغارلر بتون بتون متفرق و متشت اولوب تاج التوار یخده صوصمانوسی اسمنده بر بلغار والی مذکور ایسه ده بونک دائره حکم و نفوذی محدود ایدوکی وقصبات مهمه ده کی حکام ورؤسایه سوز کچیره مدیکی وقوعانک صورت جریاندن آکلاشیلیمده در .

عثمانیلرک بالقانله ایلک صولتلرنده صوصمانوس بیلفینلق کوسترمش و صربلرک مدافعه مملکت اغورنده برنجی بیوک حرکتلری « صرب صندینی » هزیمتیه نتیجه لندکده بلغار حکامی قورقورلندن عرض دخالت ایلمشلردر . خداوندکار غازی حضر تلری ۸۹۱ تاریخده قوصوه معرکه سنه عزیمتلرنده بلغارلرک صربلرله اتفاقه مانع اواب ایچون وزیر اعظم چاندلر زاده علی پاشایی بلغارستانه کوندرمش و پاشای مشار ایله بلغار رؤسانسی کاملاً تحت اطاعت ادخال ایتمکله بلغارستانک عثمانیلر طرفندن فتی قطعیت کسب ایلمشدر .

تاریخ مذکور دن اعتباراً بلغارلر دولت علیه نک رعایاسی عدادینه کیرمشلردر . کندولری مطیع و چالیشقان و قناعتکار و اداره بیتیه لرنده متصرف اولدقلرندن دولته بشیوز سنه ظرفنده هیچ برغانله چیقار . مدقلرندن ماعدا تکالیف امیریه لرینی و قبیله تأدیه ایدرلر . وکمرلرنده بش اون غروشلری دائماً بولنور ایدی . طوپراغنک فیض و برکتکده انضمامیه ولایات شاهانه نک اک زنگینی و آسایش و امنیتی بالنسبه اک بولنده اولانی طونه ولایتی ایدی برکوبلی سکز اون ساعت مسافده برقریه کیدر ایکن صویه سندن بشقه سلاح آلمز ایدی . بردعوی ایچون محکمه یه جلب اولنسه دعواسنی غائب ایتسه بیله قاضینک ویردیکی حکمه اه دولته ، شریعت

زوال ویرمسون شریعتک کسدیکی پارمق آجیمز ، دبو دعا ایدرک محکمهدن چیقار ایدی .
روم ایلی چفتلکاننده الک غیرتلی واک آز اجرتلی
یناشملر بلغارلر ایدی .
بویله بررعت !

« اول نه ایدی نه اولدی بیلمم »

اسبانچی تحری ایدلم : حقوق عبادی تأمین ایدن
ملکیه وعدیلر مأمورلریدر . وقتیلر بزم ملکیه مأمورلرله
قضاتک حال و شانلری زبازدا نام و خاطر نشان خاص
و عام اولان قصه لر تصویره کافیدر . تنظیمات خیریه دن
سکره حکومت سنیه طشره امورینی پیش دفته آلمغه
لزم کوروب قدیم مکتب ملکیه نک و مکتب نوابک
تشکیلله ولایات مأمورینی هیچ اولزسه برمنشادن
کچر مکه تشبث ایلدیسده اداره مزده کوکلشمش اولان
یولسزقلر مقاصد خیریه یی چوق زمان عقیم براتهرق
خدمات ملکیه « اغوات » ک الندن قورتیلهدی .
نیاستلرده بوکا ردیف اولدی . دولتک قوه قاهره سنه
تبعه ده رفع آواز شکایت طاق یوغیدی . سس چیقما دقجه
اولای امورده بصیرتکارانه حرکت حاجت کورمیور
ایدی . تشکیل ولایان سکره نوبنو نشر اولنان نظامات
وقوانین انتظام اداره یی و معدلات مطلوبه یی متکفل عد
اولنه رق احتیاجات عامه نک اس الاسامی دوشونلمیور
ایدی . دوشونلسه بیله یانصورده ویا کاغد اوزرنده قلوب
اجرا آت و فعلیات مفقود ایدی . اختلاف مذهب
و جنسیتدن طولای دولته رسوخ محبت اظهار ایدمه میان
جزو لرمزک حسیات قلبیه لرینی ایصندیرمه نک اک کوزل
یولی تأمین حقوق ایله « تربیه عمومی » مسئله مهمه سی
ایدی . بومسئله ایسه خاطر لرله بیلر ایدی . مکتبلر
آچوبده بلغار و سائر تبعه اولادینی برلکده اوقودوب
تربیه ایتک و جملهنک تمایلاتی بره دغه یعنی صداقة
سوق ایتک اوزمانلرده دکل بوکون بیله مع التأسف
مشغول اولدیغمز شیلردن دکلدر . حالبو که السانلرده

تحصیل احتیاجی و تفکر خاصه سی رفع و منع اولنه میور .
دولت علیه نک بوقیدسزلغه قارشو طونه ولایتده مکتبلر
آچیلور . ممالک اجنبیه ده یتشمش پاپاسلر و معلملر
اطفالک ذهنی طولدریور . دولتک سیاستنه مضر
خصوصت تخملمری صاچیلور ایدی . مدحت پاشانک
طونه والیدکننده فساد قومیتسی برنجی دفعه اوله رق
برقاج اعضاسنی برچوق اوراق اختلالیه ایله داخل ولایت
صرقغه تشبث ایتش ایسه ده موفق اوله ماشدی . ایشته
بوفساد تخملمردن برلین قونفره سنده امتیازلی بربلغارستان
برنسلیک برده روم ایلی شرقی ایالتی ثابت اولمشدر .
بوختاریت بلغارلرک استعداد فطریلرینه یکی وکنیش
برجولانکاه آچمشدر . بشیوز سنه محکومیه آلیشمش
اولان برملتک استقلالیتله فصل ائتلاف ایدمکجه عقلای
دهر چوق زمان انتظارده قالمامشدر . حکومت چارچابوق
تأسس ایتش اونیش یکریمی سنه ایچنده مملکت سراپا
کسب عمران ایلش ، هر درلو وسائط ترقیه توسل
ایدش ، خلق فیوضات مدنیت و معرفتله متمم اولش ،
ممالک متمدنه ده جاری اولان اصول و نظامات موفقیتله
تطبق ایدش ، والحاصل بوکوچک ملتک بالقان
جزیره سنده استقباله مالک اولدینی ، مقالات سیاسییه
کیرمشدر .

بوقدر اجرا آت نافع نک نقدر فداکارلغه وابسته
اولدینی ایضاحدن وارسته در . اداره عثمانیه یه اعشاریه
بدلات عسکریه دن بشقه ویرکو ویرمیان چور باجیلر
واسکی قوجا باشیلر « کنجلر » ک صرف ایدوب طور دقلری
خزینهلردن طولای بدایه سویلنمکه باشلامشدر ایسه ده
کنجلر « حیت ملیه » فکرلرینی آنلرده القا ایدمک
و منافع مادیه یی بالفعل کوسستره رک کمرلری و چیقینلری
طوعاً و کرهاً بوشالترمشلر حتی باشلرینه برده اردو
مصرفی چیقارمشلردر . پرنس آلکساندر باتنبرغ سلاح
استعمالیله مألوف اولمان بوملتی آز زمانده عسکر ایدوبده
صربستان ایله وقوعه کلان برحاربه ده نائل ظفر اولسی

تأثیری موجب اولمشدر . خصوصاً که ارنبودلق اصلاً
حاتیله مشغول روم ایلیده اول وقت برخیلی عسکر
سلاح آلتنده موجود ایدی .

پرنس الکساندر ، پولیتیکه سنک قربانی اوله رق
آلمانیا یه عودت ایتش واستانبولوف برمدت منکویتدن
سکره افنا اولمش ایسه ده ملیت طوپراغه دیکدکاری
فدان قورومیوب شاخ وبرک صالمشدر . شویله که حال
و موقع ایجابجه بلغارستانده دخی سیاسی فرقه لر ظهور یله
صورانیه ده اکثریت قرائق و اداره حکومتی یکدیگرندن
قایمق اصوللری حادث اولوب بوصورته تعیین ایدن
باشلوجه درت فرقه دن دولت علیه یه طرفدار اولانی الک ضعیف
وناسیونالیست وده موقراط یعنی بلغار ملیتی طرفداری
اولان الک قوی اوله رق دولت حاکمه نک مسامحه و عجزی
حسیله بلغارستان امارتی یواش یواش وقولای قولای
هرنوع حقوق استقلالیتی الیه ایتدیکنه واعلان استقلالنه
صایغیدن بشقه هیچ برمانعه متصور دکسه ده ماکیدونیایه
صایدیرلان اختلال چته لری حدودی ده واسع
بربلغارستانه زمین احضاریله اوغراشدیغه و ماکدونیا ده کی
اختلالات دول معظمه نک مداخله فعلیه سی اولمدقجه
غیر قابل تسویه برحاله کلدیکنه و دولت علیه دشمنلرینک
ایتمکنه یاغ سورن و اروپای عثمانیه مقدمه سقوطی
اوله حق اولان شواحوال هول اشتاله « اداره مصلحت »
ایله مقابله ایدوب علاقه دارانک بوبابده کی مقاسمه
مذاکرانسه اوزاقدن سیرجی طور مق و بر حرکت
مذبوحانه بیله کوستره مامک مسکنتنده بولندیغه مبنی
مرآت شونده هر نه تجلی ایدرسه علی الرأس والعین
معامله سیله تلقی به حاضر لنوب طور رکن ۱۱ تموز
برصاعقه شارقه کی اورته لقه بیوک بر ولوله وحیرت
صالمش فقط پیشمش آشه ایللق صو قاته بیلمشدر .

بز ، بلغارلرک بزه « مولود اوقومه یه جفتی » رعنا
بیلیر ایدک . کشوف حادثه نک اعلان استقلاله سبب مستقل

عظیم برسر مایه مباحات اوله رق بلغارلر کندی اقتدار
وقابلیتلرینه دکردن زیاده قیمت ویرمکه وسوق طبیعی ایله
شیارمغه قویولمشلر و بوشیارقلغه کوندن کونه آب وتاب
ویرمشلردر .

خارجی پولیتیکه یه کلنجه روسیه نک قابله لکی ایله
وجوده کلش اولان بلغارستان ، انظار توجهنی یوقارویه
طوغری چوبرمک پک طبیعی ایسه ده پرنس الکساندر ،
روسیه وصایتدن آزاده کندی باشنه بربلغارستان تشکیلی
سوداسنه دوشهرک استانبولوف کی عزم قوی صاحبی
برمرد جسوری هم افکار بولمغه روسیه نفوذنی -
خلقک قارشوسنده خاچ چیقارلدینی چارک تصویرلری
دیوارلردن سوکوب قیرمق درجه سنده ابراز شدت ایله -
بالطریق ایستمش و آوستریان مماشات کورمش واستابو -
لوف شومسلکنی صورت حقدن کوسترمک ایچون طرف
دولت علیه یه اظهار تمحضه یلتمشدر .

پرنس آلکساندر اتمام وظیفه یتیلر کونک برنده
ایکی یاور وایکی طابور عسکرله فلبیه اینوب روم ایلی
شرقیق بلغارستانه الحاقی اعلان ایتمشدر . (۱۳۰۲)
طرف پادشاهیدن برایتله منصوب اولان بر بکک دیگر
بر ایالت شاهانه نا کهان اطالیه دست تجاوز ایتشی
حد ذاتنده بروسیله تأدیپ تشکیل ایتدیک کی عهده
مخالف اولسندن طولای برلین معاهده سنی امضا ایدن
دول معظمه نکده خوشنه کتمدیکندن جمله سی متفقاً
حکومت سنییه یی اتخاذ ایدمک خط حرکتده مختار
براقشدر و بعضیلری سلاح ایله تأدیپ توصیه ایتمشدر ایسه ده
استانبولده هوا مخالف اسوب هیئت وکلانک تبدیلی
و بلغارستان پرنس علاوه روم ایلی شرقی والیلکنک
توجیهی صورتیلر ایش طاتلویه باغلامش و دولتک حق
حاکمیتی رخنده دار و بلغارستانک جراثی یوما فیوما
متزاید اولمشدر .

حقوق صریحه حاکمیتک بویله بر آباق پاتیر دیسیله
پایمال اولسی هم اوروپاده وهم عسکر واهالیزده سوء

اولدیفنه اینسانه میز. لکن خیلی تأیری اولدیغیده غیر منکر در استقلال کیفیتی ذاتاً مرتب و مصمم و نه زمان اولسه اعلانی ممکن اولدیغندن بردن بره تعجیزی موجب اولدی. بادی تأسف اولان شی مشروطیت سونجیلرندن هنوز هوسمزی آلمدن و بتون ملل اجنبیه صاف و صمیمی اولان حسیات درونمزی تمامیه آچدیغمز حالدیه آوستریانک چویردیکی دولابدر. آوستریا حکومتی بوسنه و هر سگ قطعه سنک آتیدی ایچون وهم واندیشهیه دوشمش اولمیدرکه بوقدر الی چابوق طوتسون وهر درلو احتمالیه قارشو بلغارلری دخی اغرا ایل کندیلرینه هوادار قیلسون.

تاریخ آوستریانک پولتیقسنی دولتمزه قارشو ایکی یوزلی کوسترمکده در. بوندن بالدفعات متضرر اولمشزدر. از جمله ۱۹۴۸ تاریخنده روسیه ایله تحذث ایدن سفردیه آوستریالو توسط ایدوب تألیف بین ایده جگنی قطعاً وعد ایتیشیکن دولت علیه بی آلداده رق و تدارک سز بر اقرق صوکنده تألیف شویله طورسون کندوسسیده روسیه ایله متفقاً بزه اعلان حرب ایلدیکی معلومدر. ینیه روسیه ایله ۱۲۰۱ سفرنده آوستریا دولتی دوستلغنه دائر تأمینات ویرمشیکن اردونک استانبولدن حرکت ایده جگی کونی ایلعجیسی باب عالی به برتقریر ارسالله کنندی دولتشکده اعلان حرب ایتدیکنی تبلیغ ایلمشیدی. بومثللو وفاسزلقلری کورمکه آلیشمش اولان دولت علیه عثمانیه ایچون بوکون بلغارستانک اعلان استقلالیه بوسنه وهر سگک آوستریایه الحاقی غیر منتظر احوالدن دکلدی.

زبدۀ سیاسییه

بوهفته ایچنده سیاسیات عالنده سکون و آسایشی اخلال ایده جگ وقوعاتک ظهوری حقنده حاصل

اولان اندیشه لر زائل اولدی. یواش یواش مسائل متحدنه مذاکرات و تدقیقات ساحه سنه کیریور. بلغارستانک استقلالی و بوسنه هر سگک الحاقی بر آرائی بالقان شبه جزیره سنده محاربه ظهورینه سبب اوله جق بررنک آله جفی ظن و تخمین ایدلمش ایدی. اشته بوتخمین هر طرفده اندیشه لر سبب اولمشدی. بلغارلرک حکومت عثمانیه قارشو عهد شکنانه معامله لرینی تضمین و تعمیر ایچون کوستره جگاری فدا کارلقه محاربهیه کیرشدکاری زمان اختیار ایلله جگاری فدا کارانی مقایسه ایدرک اگر محاربهیه کندیلرنجه اهون کوریورلر سه سکون و آسایشی محافظه ده مقید اولیه جقلری ده سوبلنمشدی. فقط بو حساب ظاهر حاله کوره برفرق و تخمیندن عبارت اولوب بوده آایشپوروانی اندیشناک ایتکه کافی ایدی. حقیقتده ایسه بلغارستانک اعلان استقلالی بوسنه وهر سگی ممالکنه ضم و الحاق ایتک داعیه سنده بولنان آوستریانک اله دوشدیکی، آوستریانک بلغارستانی منافع سیاسیه سنه آلت ایتدیکی، سنه لردن بری ما کدونیا اوزرنده املر بسلین بو حکومت، عثمانیلر طرفدن مشروطیتسک اعلانی اوزرینه بو امللرینک، منفعتلرینک ضیاعه اوغرا دیغی کوروب بوسنه وهر سگی تمامیه آلتی صورتنده سوزده ضیاعی تضمین ایلدیکی ده سوبلندی، حتی آوستریانک حکومت مشروطۀ عثمانیه بی منافعنه مغایر کوره رک اداره مستبدیه نک عودتی ایستیه. جگی، آلمانلرکده آوستریالیره ظهیر اوله جفی، بلغارستان ایلله بر محاربه آچه من اصلاحات و تنسیق اتمیزی کری براقدیرمه مزه وسیله اوله جفندن بوجهته چالیشیله جفی ده اشاعه اولندی.

آلمانیا سفیری بارون مارشالک حکومت عثمانیه ایچون بلغارستانله محاربهیه کیرشمک لازم اولدیغه دائر سوبلشمش اولدینی روایت اولنان سوزده آلمانلرک بوراده دور استبدادی اعاده ایچون چویردیکی فرداقلردن اولق اوزره تلقی ایدلدی.

آلمانیا سفیرینک بویله برسوز سوبلشمش اولدینی اعلان اولدینی کبی آوستریانک و آلمانیا نک ده حکومت مشروطۀ عثمانیه نک موقیعاتی تمی ایتمکده اولدقلری سوبلنهرک بویله جی ایکی حکومت حقنده حاصل اولان فکرلر تصحیح ایدلمک استلیدی. بر آرائی آوستریا ولی عهدی طرفندن «آوستریا ایچون تام آلمانیا نک دوستلغی آکلایه جق صره کلشدر. سنه لردن بری اتفاق مثله داخل اولان آوستریا بو اتفاقدن نه فائده کوردی. فائده بی کوره جگی زمان کلدی. باقلم آلمانیا بزه نه درجه ده معاونت کوستره جگ. آلمانیا نک دوستلغی نه قدر قیمتدار اولدیغی شمدی آکلایه جقز. زمینده بیاناتده بولنمش اولدینی ده اشاعه اولندی. بویله جی آوستریا ایلله آلمانیا نک اوروپا سیاسیاننده مسائل شرقیه قارشو وضع و موقی کوسترلدی. آوستریا ولی عهدی آرشدیق فردیناند طرفندن سوبلنشمش اولدینی روایت اولنان بو سوزلرده تکذیبه اوغرا دی. فقط آلمانیا و آوستریا مناسباتی بوکی شایعات ایل افکار عمومیه ده تمامیه ایضاح ایلک مقصدینی تعقیب ایدنلر، ظن اولنورکه بوه مقصدی فوت ایتدیلر.

حال و موقعه کلنجه بلغارستانک اعلان استقلالی و بوسنه هر سگک الحاقی اوزرینه تحذث ایدن، براین معاهده سنک بر قاج ماده سنی اخلال ایلان مسئله لری جکومت عثمانیه ابدرا اوروپا دول معظمه سنک انظار دقته وضع ایتدی، حقوق و منافع خله اوغرا دان بو وقعه لری پروتسو ایتکه برابر حق و عهدک محافظه بی بو حق و عهدی امضالریله صیانت ایدن دوستلردن ایستدی. معلوم اولدینی اوزره لوندرده انکاتره خارجیه ناظری سیر ادوارد غره ی ایلله روسیه خارجیه ناظری موسبو ایزوولسکی آره سنده بو مسائل موضوع بحث ایدلدی.

حکومت عثمانیه نک قونفرانس تکلیفی قبول اولنهرق قونفرانسه مذاکره ایدیه جگ موادک تعیین و تحدیدی

ایچون بر پروژه حاضر لاندی فرانسه ده بو پروژه نی تصویب ایتدی. ایتالیا حکومتی ده بو جعتی مصیب کوردی. بویله جی اورتیه درت دولنک مظهر قبولی اولق استعداده بر پروژه قونلدی. بوده حکومت عثمانیه تبلیغ ارنلدی. آلمانیا طرفندن آوستریا ایلله حکومت عثمانیه نک قبول و تصدیقه مقارن اولق شرطیه قونفرانسه کیده جگی بیلدیرلدی. پروژه نک قطعیت کسب ایتسی ایچون اوروپا قایینه لری آره سنده ائتلاف تام حصوله کلک و بوائتلافه حکومت عثمانیه جابنندن ده موافقت کوسترمک ایجاب ایدیور.

عثمانی قایینه سنجه قونفرانسه مذاکره سی اقتضا ایدن ماده دائر بر پروژه حاضر لاندینی سوبلنشمش، حتی بو پروژه نک تبلیغندن ده بحث ایدلمش ایسه ده بو بحثلر هنوز ناموسم عد اولنق ضروریدر چونکه قایینه لر آره سنده کی ائتلاف تام اوزرینه اورتیه مشترک برقرار حاضر بولمیدرکه حکومت عثمانیه ده بوکا کوره قبول و تصویب، یا خود رد ایلسون. شمیدیکی حاله حاضر لنان پروژه لر مذاکراتی تسهیل ایچون درمیان اولنان ملاحظات و مطالبات درجه سنده عد اولمیدر.

قونفرانس مذاکراتی تسهیل ایچون حکومت عثمانیه ایلله بلغارستان آره سنده زمین ائتلافی حاضر لیله جق صورتده مذاکرات جریان ایتدیکی کبی بویله ائتلاف حصولی تکلیفینک آوستریا سفیری طرفندن باب عالی به اجرا ایلدیکی ده خبر ویرلدی.

حکومت عثمانیه منافع و حقوقی مدافعه و وقایه ایتک شرطیه وقوع بولان حتمسزقلری تعمیر و تضمین ایچون بو حتمسزقلری ایقاع ایتش اولانلردن رأی و مطالبه دیکله مکده، تکلف ایتمکده بر بآس کورمن. تجاوزات واقع بی محکمه دولیده تصحیح و تعمیر ایتدیرمک استدیکی کبی متجاوزلرله ضرر و زیانی ازاله خصوصنده ائتلاف حاصل ایتک ایچون وقوع بولان تکلیفاتی ده تدقیق ایدر. فقط بویله کی مذاکرات بالطبع

بیان الحق

قونفرانسك مقرر اتي آسهيلى ايدر ، چونكه قونفرانسه ائتلافچويانه داخل اولمق قابلدور . فقط مذاكرات خصوصيه قونفرانسه مراجعتدن حكومت عثمانيه يي ده ، برلين معاهده سني امضا ايتمش اولان دولتلى ده مستقلى قيله ماز .

بو هفته ايچنده بلغارستاندن در سعادت كوندولمش اولان ايكي مأمور مخصوص افكار عموميه عثمانيه يي اكلا دقدن وقاينهك مطالعه سنه كسب اطلاع ايلدكن صكره صوفيه يه عودت ايتدكلى كى صربستاندن ده مأموريت مخصوصه ايله در سعادت سفير سابق شهر يوزه كمشدر . بوسنه و هر سكر الحاقى اوزرينه صربستانده وقره طاغده اوستريايه قارشو حاصل اولان غلبان افكار شيمدى صربستانده بر آز سكونت بولمش كى كورنيوره فقط قره طاغ هنوز بوسكوتى بوله مامشدر . مع مافيه دول معظمهك بلغراد وچتینه ده بولنان مأمورين سياسيه سى معرفيله اجرا ايتديرديكى وصايله تاثير سنز

قالمامشدر . والحاصل شمدىكى حاليه بلغارستانده افكار حربچويانه ياشمش اولدينى كى بالقانلرده محاربه ظهورينه احتمال ويرديرمش اولان وقوعات ده سكونت كوسترمكده بولنمشدر . اشته بواحواله بناء تحث ايدن مسائل شرقيهك بين الملل مذاكرات ايله فيصله دير اولسنه ومحاربه احتمالك برطرف ايدلسنه انتظار ايدلمكده در .

— ۵۵ —

آچيق مخبره

بديع الدين افندي يه

رساله مزك برنجى نسخه سنده كى (جمعيت مز) عنوانلى مقاله يه مراجعت ايدى كنز .

فطين

محمود بك مطبعه سى